



## Publicaziuns dalla vischnaunca, jamna 14

### Damondas da baghegiar

#### 2018-1013.000

##### **Datum dalla publicaziun: 6 d'avrel 2018**

Il patrun: Catrina Resort AG, Via Sontga Catrina 12, 7180 Disentis/Mustér

Il representant: Ernst Dubler, Geroldstrasse 31, 8005 Zürich

Object: Construcziun da 14 parcadis sin parcella 1570, Via Sax, 7180 Disentis/Mustér

#### E2018-1014.000

##### **Datum dalla publicaziun: 6 d'avrel 2018**

Il patrun: Hans-Jürgen Weinert, Via Plaun-Sut 28, 7180 Disentis/Mustér

Il representant: Hans-Jürgen Weinert, Via Plaun-Sut 28, 7180 Disentis/Mustér

Object: Tschentar ina casa da curtin sin parcella 1872, Via Plaun-Sut 28,

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e sutscretta dil recurrent ni da siu representant.

*Uffeci da baghegiar Disentis/Mustér*

---

### Serrada dalla via Cavardiras

#### **Tschancun dutg da Caprau entochen sbuccada dalla via Caprau**

Igl uffeci cantunal da construcziun bassa dil Grischun preveda ina sanaziun generala dalla via da communicaziun a Cavardiras.

Duront las lavurs da construcziun sto la via vegnir serrada per scadin traffic sil tschancun naven dil dutg da Caprau entochen tier la via a Caprau.

#### **Las lavurs da construcziun entscheivan suenter Pastgas e cuozan entochen la fin d'uost 2018. In urari detagliau dalla serrada suonda.**

In'untgida ei pusseivla sur la via da communicaziun Pardomat–Cavardiras per vehichels entochen 11 t.

Per pedunzs e velocipedists ei il passadi adina pusseivels. Per ulteriur sclariment san ins sevolver tiel responsabel digl uffeci da construcziun bassa dil cantun, Pius Cavegn, telefonin 079 334 74 14 ni tiel menader digl uffeci da baghegiar, Ervin Maissen, tel. 081 920 36 46.

Bien engraziament per Vossa capientscha.

Disentis/Mustér, ils 20 da mars 2018

*Uffeci da construcziun bassa dil Grischun, district 6*

*Pius Cavegn*

*Uffeci da baghegiar dalla vischnaunca da Mustér*

*Ervin Maissen*

---

### Serrada dalla via Mumpé Medel

#### **Tschancun caplutta da sogn Valentin entochen alla fin dil vitg**

Igl uffeci cantunal da construcziun bassa dil Grischun preveda ina sanaziun generala dalla via da communicaziun tras il vitg da Mumpé Medel.

Duront las lavurs da construcziun sto la via vegnir serrada per scadin traffic sil tschancun, naven dalla caplutta da sogn Valentin entochen alla fin dil vitg.

#### **Las lavurs da construcziun entscheivan ils 10 d'avrel e cuozan entochen ils 8 da zercladur 2018. In urari detagliau dalla serrada suonda.**

##### **(Ils firaus, las sondas e dumengias ei la via aviarta.)**

Ei dat negina pusseivladad d'untgida. Ella vischninonza dalla caplutta vegn dau caschun da parcar vehichels. Per pedunzs e velocipedists ei il passadi adina pusseivels.

Per ulteriur sclariment san ins sevolver tiel responsabel digl uffeci da construcziun bassa dil cantun, Pius Cavegn, telefonin 079 334 74 14 ni tiel menader d'infrastructura, Ervin Maissen, telefon 081 920 36 46.



Bien engraziament per Vossa capientscha.

*Uffeci da construcziun bassa dil Grischun, district 6,  
Pius Cavegn  
Uffeci da baghegiar e d'infrastructura  
dalla vischnaunca da Mustér*

---

### **Controla da habitonts**

#### **Naschientschas**

*Paula Alissia Manetsch, naschida ils 16 da mars 2018 feglia da Manuela e Christian Manetsch*

*Jonas Nilay Tschuor, naschius ils 19 da mars 2018 feagl da Simona Zazzi e Marco Tschuor*

---

### **Clom d'urgenza 118**

Preziadas vischinas, preziai vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas personas el Grischun! Pli-  
navon daventan ils donnos cun mintga minuta spiarsa pli gronds. Perquei s'adressein nus a Vus cun ina fer-  
venta supplica: clamei ils pumpiers mo sur il clom d'urgenza 118. Era sche Vus veis mo in pign problem sa il  
polizist che pren encunter Vies telefon reagir aschia che mo ina pintga gruppa d'agid ni singulas personas  
vegnan clamadas. Ulteriuras informaziuns era davart la prevenziun anfleis Vus sin nossa pagina d'internet:

[www.pumpiers-sursassiala.ch](http://www.pumpiers-sursassiala.ch).

Engraziell per Vies sustegn!

*Vos pumpiers Sursassiala*

---

### **Rimnada da pupi**

#### **Venderdis, ils 20-4-2018**

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziell.

Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca durant la rimnada.

Bien engraziament per Vies agid e sustegn!

*Scolas Mustér, Ch. Berger*

---

### **Forum Kloster Disentis**

Prof. Dr. Christoph Heinrich, Vorsteher des Institutes Geochemie und Petrologie der ETH Zürich, spricht am **19. April 2018** im Peter-Kaiser-Saal um 20.30 Uhr über das Thema *Wie kommt das Gold in den Berg? Von der Bedeutung mineralischer Rohstoffe zur Geologie der Alpen*  
Herzliche Einladung

*Kloster Disentis, P. Urban Affentranger*

---



---

### Uniun samaritana Disentis/Mustér

#### **Cuors BLS-AED-SRC Komplett**

L'uniun samaritana Mustér organisescha il cuors da reanimaziun BLS-AED-SRC Komplett.  
(Reanimaziun cun applicaziun dil defibrilatur automatic)

Datum: Sonda, ils 14 d'avrel 2018  
Uras: 8.00–12.00  
Liug: Casa da scola Mustér  
Annunzias: Ein da far entochen ils 10 d'avrel 2018 tier:  
Martina Giger, tel. 079 299 36 13  
e-mail: martina.casanova@gmx.ch

#### **Preavis/Referat public**

##### **Murdidas da zeccas e las consequenzas**

ils 23 d'avrel 2018, allas 20.00 en halla Cons a Mustér Referent: Dr. Tarcisi Maissen

---

### **Café da sentupada/Begegnungscafé**

Um einander besser kennenzulernen und den Asylsuchenden die Möglichkeit zu bieten, deutsch zu sprechen, werden immer wieder Begegnungen mit den Asylsuchenden aus dem Transitzentrum Bellavista in Disentis organisiert. Alle sind herzlich eingeladen am **Montag, 9. April 2018**, von 17–19 Uhr im Gemeindezentrum Aua Viva auch dabei zu sein.

---

### **Societad da musica Mustér**

#### **Concert primavaun**

**Sonda, ils 7-4-2018** allas 20.00 en Halla Cons a Mustér. Silsunter stiva da caffè  
Entrada libra, collecta

---

### **Invitaziun Seniors-Ca**

#### **Gievgia, ils 12 d'avrel 2018** allas 13.45–16.00 a **Caischavedra:**

Presentaziun project ressort Catrina, sistem d'ennevar, futur – suenter petta e caffè. Rimnada a Sontga Catrina

– pendiculara gratuita parta allas 13.45.  
Per transport: rimnada allas 13.15 sper Cucagna/Coop

---

### **Meisa da miezdi organisada da Seniors-Ca e PUNTREIS**

Entschatta: allas 12.15 en **PUNTREIS**

Gentar cun treis tratgas inclusiv 3 dl aua dalla spina ed in caffè.

Annunzia entochen allas 9.00 dil di a PUNTREIS (tel. 081 929 56 56)

*Post d'informaziun Seniors-Ca*

---

### **Apparat d'udida**

**Gliendisdis, ils 16 d'avrel 2018** saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials



13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei sur-  
vetsch gratuit per tuts interessents. Ei drova negina annunzia.

---

### Producziuns finalas – Movis

Nus affons, giuvenils e carschi da Mustér e las vischnauncas vischinontas presentein cun anim e plascher  
nossas choreografias che nus havein exercitau duront igl onn da sault 2017/18.

Cu? Venderdis, ils 13-4-2018, allas 20.00  
Sonda, ils 14-4-2018, allas 20.00  
Dumengia, ils 15-4-2018, allas 14.00

Nua? Halla Cons/Mustér

---

### Tanzaufführung – Movis

Wir Kinder, Jugendliche und Erwachsenen von Disentis und Umgebung präsentieren mit Freude und Begeis-  
terung unsere Choreografien, die wir während des Tanzjahres 2017/18 einstudiert haben.

Wann? Freitag, 13-4-2018, um 20 Uhr  
Samstag, 14-4-2018, um 20 Uhr  
Sonntag, 15-4-2018, um 14 Uhr

Wo? Halle Cons/Disentis

Vegni e mirei! Nus selegrein da Vossa viseta.

*Ils Movis*

---

### Cinema Salaplauna/Stallkino:

#### «Das System Milch» (D/I 2017)

**Mittwoch, 18. April**, Center sursilvan d'agricultura, Disentis/Mustér

Milch ist Big Business. Hinter dem Lebensmittel verbirgt sich ein milliardenschweres Industriegeflecht. Der  
Dokumentarfilm «Das System Milch» ist eine cineastische Reise über mehrere Kontinente. Der Film will mit  
Vorurteilen aufräumen und Lösungen aufzeigen. Zu Wort kommen dabei Landwirte, Industrielle, Wissen-  
schaftler und weitere Experten.

Türöffnung 19.30 Uhr, Filmstart 20 Uhr, Eintritt frei, Kollekte.

---